

（附）宣統政紀

卷一至卷七〇
光緒三十四年至宣統三年

清實錄

第六〇冊

中華書局影印

清 實 錄

(第 六〇 冊)

(附) 宣 統 政 紀

*

中 華 書 局 出 版

(北京王府井大街36號)

北京市中國書店發行

中國建築工業出版社印刷廠印刷

*

787×1092 毫米 1/16 · 81 3/8 印張

1987年7月第1版 1987年7月北京第1次印刷

印數 0-001—1,500 冊

統一書號: 11018 · 1355—60 定價: 62.00 元

清實錄第六〇冊目錄

(附)宣統政紀

首卷序

卷一 光緒三十四年十月

卷二 光緒三十四年十一月上

卷三 光緒三十四年十一月下

卷四 光緒三十四年十二月上

卷五 光緒三十四年十二月下

卷六 宣統元年正月上

卷七 宣統元年正月下

卷八 宣統元年二月

卷九 宣統元年閏二月上

卷一〇 宣統元年閏二月下

卷一一 宣統元年三月

卷一二 宣統元年四月

卷一三 宣統元年五月上

卷一四 宣統元年五月下

卷一五 宣統元年六月上

卷一六 宣統元年六月下

卷一七 宣統元年七月上

卷一八 宣統元年七月下

卷一九 宣統元年八月上

卷二〇 宣統元年八月下

卷二一 宣統元年九月上

卷二二 宣統元年九月下

卷二三 宣統元年十月上

卷二四 宣統元年十月下

卷二五 宣統元年十一月上

卷二六 宣統元年十一月下

卷二七 宣統元年十二月上

卷二八 宣統元年十二月下

卷二九 宣統二年正月上

卷三〇 宣統二年正月下

卷三一 宣統二年二月上

卷三二 宣統二年二月下

卷三三 宣統二年三月

宣統政紀

卷三三	宣統二年四月上	六〇三
卷三五	宣統二年四月下	六〇九
卷三六	宣統二年五月	六五一
卷二七	宣統二年六月	六五三
卷二八	宣統二年七月上	六六五
卷二九	宣統二年七月下	六九〇
卷四〇	宣統二年八月上	七一一
卷四一	宣統二年八月下	七二八
卷四二	宣統二年九月	七四五
卷四三	宣統二年十月	七六八
卷四四	宣統二年十一月上	七九〇
卷四五	宣統二年十一月下	八〇一
卷四六	宣統二年十二月上	八一六
卷四七	宣統二年十二月下	八三三
卷四八	宣統三年正月	八五七
卷四九	宣統三年二月	八七六
卷五〇	宣統三年三月上	八八九
卷五一	宣統三年三月下	九〇九
卷五二	宣統三年四月上	九二二
卷五三	宣統三年四月下	九四三
卷五四	宣統三年五月	九六八
卷五五	宣統三年六月上	九八七
卷五六	宣統三年六月下	一〇〇〇
卷五七	宣統三年閏六月	一〇一五
卷五八	宣統三年七月上	一〇三二
卷五九	宣統三年七月下	一〇四八
卷六〇	宣統三年八月上	一〇六四
卷六一	宣統三年八月下	一〇八一
卷六二	宣統三年九月上	一〇九四
卷六三	宣統三年九月中	一一一〇
卷六四	宣統三年九月下	一一二三
卷六五	宣統三年十月上	一一四九
卷六六	宣統三年十月下	一二一一
卷六七	宣統三年十一月上	一二三四
卷六八	宣統三年十一月下	一二四七
卷六九	宣統三年十二月上	一二五八
卷七〇	宣統三年十二月下	一二八六

監修總裁世恭閱

纂修官欽家康恭
覽明倫彙編
十二月 初一 日

正總裁那

月 日

卓司纂本

陸

恭履閱

甲寅正月十九

日

徐

月 日

副總裁唐

月 日

室宗

寶

恭閱

一卷 九月十八

日

陳

恭閱

二卷 七月十一

日

熙

月 日

郭恭閱

十二月十一

日

室宗

麒

月 日

大清宣統政紀序

伏以河圖龜畫文筆義皇雲紀鳥官治垂軒
后唐書虞典載颺言拜手之歌周語殷盤溯
詰屈聲牙之史甘露黃龍而外別開兩漢紀
年上元伏羲之前特記大唐初業以及宋有
東京夢華之錄明有傘州別集之編莫不揆
藻鴛綸揚茶駮烈附鴻裁於班馬闡雅意於
睢麟况當累洽重熙後繼文謨武烈論治則

聖人在位有風不鳴條雨不破塊之祥論德
則大道為公有天無私覆地無私載之量固
當赤文綠字紀功德於億萬斯年玉檢金泥
詳登封於七十二代者也欽惟我
皇上明兩作離
居東出震

天鍾

聖哲星流虹渚之祥

生而神靈日角龍顏之表既
東主而告

廟遂

負辰以臨軒訟獄謳歌天下咸歸子啟制禮作

樂周公用相成王周已數莫朔而

紀元撫羅圖而

御宇華蟲藻火法南面之垂裳白麟芝房頌西

京之寶鼎比量於秦山河海莫測

高深繪容於

日月乾坤難為名似謹陳大略厥有數端一曰

敬

天

皇上合德元微

精心對越絙桑作樂鏘麟鼓以郊

天縮拒升香絜犧尊而祀

地辛祈重穀崇報賽春秋雩祭燂柴用禴禘水旱

祖

皇上恪承家法

懸踵前模瞻松柏而展敬

山陵潔菜威而薦馨

宗廟雞鳴三疊修閔膳於

慈宮鳳綽萬年晉徽稱於

壽母

經筵再啟乾行協

健德之符

典學方新家養得

聖功之正其述事之隆有如此者一曰勤政

皇上允釐庶績無曠

萬幾

崇政早朝傳籤警寐

通英答詔衡石量書破格用人不限資勞門
蔭定章課吏仍兼書判身言覃恩則露湛墓
斯起廢而春回黍谷遺氛靖域武伸螭斧之
威禮館宏開文復蟠幽之盛綏外則重瀛道
使講周旋於玉敦珠槃撫內則諸道置官嚴
督察於繡衣持節其求治之勉有如此者一
曰愛民
皇上聖聰作后

其仁如天貸蹕路之籽糧加五城之米石蠲通
以調魯豫沛一朝汪濊之恩發帑以賑江淮
拯億萬生靈之命草野之嗽鴻有託河圖爰
防花村之吠犬無驚風清桂澤驅疫羣於方
相伏腐潛消屏毒卉於神農沈疴盡起其保
惠之懷有如此者至若昭回新命布理憲文
仰窺炎帝帝魁之隆實續太王王季之緒是
以博諮衆議論採芻蕘觀治一鄉利謀桑梓

登版圖天府戶數丁推違計吏京師塵清甲
簿千揀設警見微道之綺交聽訟分庭喜琴
堂之花落便知書於徒隸奇觚傳急就之章
繼無業於游民魯削補考工之政錄稱循雨
稱燕度正星衡地用馬天用龍法更泉府商
勅析爵封卜式為閭內之儀農部設官命陳
寵作行田之使且也以

元首而兼

元帥追蹤周武戎衣以庶政而公庶民軼美鄭
僑鄉校周禮之官六十別創隆規呂刑之用
三千改從輕典羽林增子弟殿前駐龍武之
軍冢宰總百官門下奉鸞臺之敕固皆隱隱
然各得其所蕩蕩乎民無能名而尤所難及
者則在憲政提前年限縮短明堂改厯以甲
子朔旦為期洛邑和民暨風雨四方來會
父有作而

子則述繼九年未集之勳民所欲而

天必從開百王未有之局當此共和協贊與周家
實異而名符益欽

揖讓無爲見

虞陸風同而道

臣等備員禁禦珥筆史箴刻

石鼓而誦周京逢金人而思漢室太平故史

曾親聞元貞觀之休淪落道山尚記大定明

昌之事塗生民而改清廟敢比韓文藏名山

而副京師願成遠紀此後惟

天為大水傳

巍煥之文章他時候

日冉中更草河汾之封禪

大清宣統政紀卷之一

光緒三十四年戊申冬十月癸丑朔○癸酉

酉刻

德宗景皇帝崩欽奉

慈禧端佑康頤昭豫莊誠壽恭欽獻崇熙皇太后

懿旨攝政王載灃之子 著入承大統為嗣

皇帝○又欽奉

懿旨前因穆宗毅皇帝未有儲貳曾於同治十三

年十二月初五日降旨大行皇帝生有皇子即

承祧穆宗毅皇帝為嗣現在大行皇帝龍馭上

賓亦未有儲貳不得已以攝政王載灃之子

承繼穆宗毅皇帝為嗣並兼承大行皇帝之

祧即又欽奉

懿旨現值時事多艱嗣皇帝尚在沖齡正宜專心

典學著攝政王載灃為監國所有軍國政事悉

秉承予之訓示裁度施行俟嗣皇帝年歲漸長

學素有成。再由嗣皇帝親裁政事。復又欽奉
懿旨。着派禮親王世鐸。睿親王魁斌。喀爾喀親王
那彥圖。奉恩鎮國公度支部尚書載澤。大學士
世續。那桐。外務部尚書袁世凱。禮部尚書溥良。
內務府大臣繼祿。增崇。奏辦喪禮。敬謹裏事。禮
大行皇帝詔曰。朕自沖齡踐阼。寅紹丕基。荷蒙
皇太后懋育。仁慈恩勤。教誨垂簾。聽政宵旰。憂勞
嗣奉

懿旨。命朕親裁大政。欽承
列聖家法。一以敬

天法

祖勤政愛民為本。三十四年中。仰冀

慈訓。日理萬幾。勤求上理。念時事之艱難。折衷中

外之治法。輯和民教。廣設學堂。整頓軍政。振興

工商。修訂法律。豫備立憲。期與薄海臣庶共享

昇平。各直省遇有水旱偏災。凡疆臣請賑請蠲

無不思施。立沛本年順直東三省湖南湖北廣
東福建等省先後被災。每念吾民滿目瘡痍。難
安寢饋。朕躬軀血素弱。自去年秋間不豫。醫治
至今。而胸滿胃逆。腰痛。腰膝酸軟。嗔喘。諸證環
生。疊起。日以增劇。陰陽俱虧。以致彌留不起。豈
非天乎。顧念神器至重。亟宜傳付得人。茲欽奉
慈禧端佑康頤昭豫莊誠壽恭欽獻崇熙皇太后
懿旨。攝政王載灃之子 入承大統。為嗣皇

帝。在嗣皇帝仁孝聰明。必能仰慰

慈懷。欽承付託。憂勤惕厲。永固邦基。爾京外文武

臣工。具精白乃心。破除積習。恪遵前次諭旨。各

按逐年籌備事宜。切實辦理。庶幾九年以後。頒

布立憲。克終朕未竟之志。在天之靈。藉稍慰焉。

喪服仍依舊制。二十七日而除。布告天下。咸使

聞知。廂諭內閣。本月二十一日酉刻。

大行皇帝龍馭上賓。朕欽奉

慈禧端佑康頤昭豫莊誠壽恭欽獻崇熙太皇太后懿旨入承大統捨地呼天攀號莫及伏念大行皇帝御宇三十有四年祇承

家法上東

慈謨惕厲憂勤無日不以敬天法

祖勤政愛民為念簡任親賢變法圖強維新政治中外望風凡有血氣者罔不悲哀感戀出於

至誠朕之泣血椎心尚忍言乎惟思

付託至重責任藐躬尚賴內外文武大小臣工共矢公忠弼予郅治各直省督撫務當撫輯斯民整頓吏治以仰慰

大行皇帝在天之靈朕實有厚望焉至喪服之制欽奉

大行皇帝遺詔令依舊制二十七日而除朕心實有不忍仍當恪遵古制敬行三年之喪庶幾

稍盡哀慕之忱至於

郊

廟祭祀大典自不應因大喪而稍略其禮其應如何道官恭代及親詣行禮之處著各該衙門查照向例集議以聞其天下臣民應持服制仍照定例行將此通諭知之順甲戌

卯刻

上詣涵元殿恭視

大行皇帝小殮畢奉

大行皇帝靈駕奉安乾清宮西次間

上翦髮成服親王以下文武大臣官員俱成服

各按位次齊集舉哀

上呼捨大慟兩恭視

大行皇帝大殮畢奉安

梓宮於乾清宮正殿行殮奠禮○諭內閣朕欽奉

慈禧端佑康頤昭豫莊誠壽恭欽獻崇熙太皇太后懿旨現命攝政王載灃監國所有應行禮節著內閣各部院會議具奏○又諭朕欽奉太皇太后懿旨昨經降旨特命攝政王為監國所有軍國政事悉秉承予之訓示裁度施行現予病勢危篤恐將不起嗣後軍國政事均由攝政王裁定遇有重大事件必須請皇太后懿旨或由攝政王隨時面請施行又諭朕繼承大統聖祖母慈禧端佑康頤昭豫莊誠壽恭欽獻崇熙皇太后應尊為太皇太后兼祧母后皇后應尊為皇太后所有應行典禮著該衙門敬謹查例具奏又諭同治十三年穆宗毅皇帝大事太行皇帝曾違成例停止各省將軍督撫提鎮藩

臬及監關織造等來京叩謁梓宮今

大行皇帝升遐其各直省將軍督撫都統副都統提鎮城守尉並西北兩路將軍大臣暨藩臬臬監關織造等均不必奏請來京叩謁

梓宮致贖職守各該員等惟當竭誠盡職以期無負委任不在末節虛文也將此通諭知之欽此又諭道光二十六年三月

宣宗成皇帝特降

諭旨以二名不偏諱將來繼體承緒者上一字仍

舊毋庸改避亦毋庸缺筆其下一字應如何

缺筆之處臨時酌定以是著為令典等因欽

此今朕敬遵

成憲將御名上一字仍舊書寫毋庸改避下一字

敬缺一撇書作儀字其奉旨以前所刻書籍

俱毋庸議是日

慈禧端佑康頤昭豫莊誠壽恭欽獻崇熙太皇太后遺疾大漸未刻崩

詔曰予以薄德祇承

文宗顯皇帝冊命備位宮闈迨穆宗毅皇帝沖年嗣統適當寇亂未平討伐方殷之際時則髮捻交訌回苗倣擾海疆多故民生彫敝滿目瘡痍予與

幸貞顯皇后同心撫訓夙夜憂勞秉承

文宗顯皇帝遺謨策勵內外臣工暨各路統兵大臣指授機宜勤求治理任賢納諫救災恤民遠得仰承

天庥削平大難轉危為安及穆宗毅皇帝即世今大行皇帝入嗣大統時事艱艱民生愈困內憂外患紛至沓來不得不再行訓政前年宣布豫備立憲詔書本年頒示豫備立憲年限萬幾待理心力俱殫幸予體氣素強尚可支拄不期本

年夏秋以來時有不適政務殷繁無從靜攝眠食失宜遽延日久精力漸憊猶未敢一日暇逸本月二十一日復遭大行皇帝之喪悲從中來不能自死以致病勢增劇遂至彌留回念五十年來憂患疊經兢業之心無時或釋今舉行新政漸有端倪嗣皇帝方在沖齡正資啟迪攝政王及內外諸臣尚其協力翊贊固我邦基嗣皇帝以國事為重尤宜勉節哀思孜孜典學他日

光大

前謨有厚望焉喪服二十七日而除布告天下咸使聞知

上恭視

大行太皇太后大殮安奉梓宮於皇極殿行殮真禮親王以下文武大臣官員齊集舉哀○諭內閣朕以沖齡仰蒙大行慈禧端佑康頤昭豫莊誠壽恭欽獻崇熙太

皇太后顧復恩慈情深固極特命入承大統

慈躬康健克享期頤俾朕奉養承歡恭聆

訓誨以成邦治而固邦基乃

宵旰憂勞漸致違和屢進湯藥調理方期日就安痊不意因二十一日

大行皇帝龍馭上賓哀戚過甚病勢陡重遂至大

漸遽於本月二十二日未時

仙馭升遐呼搶哀號曷具有極欽奉

遺詔喪服二十七日而除朕心實所難安仍穿孝

百日並素服滿二十七月稍申哀悃至

諭以勉節哀思一以國事為重敢不敬遵

遺命強加抑節以慰

大行太皇太后在天之靈所有

大喪禮制著派肅親王善耆順承郡王訥勒赫都

統喀爾沁公博迪蘇協辦大學士榮慶鹿傳霖吏部尚書陸潤庠內務府大臣奎俊禮部左侍郎景厚嚴謹管理一切應行事宜並著詳稽舊典悉心覈議隨時具奏特此通諭中外知之欽此

皇太后懿旨每日應行在內直班住宿人員著照

例輪班住宿其餘各項人員均不准在內住

宿○諭內閣

大行慈禧端佑康頤昭豫莊誠壽恭欽獻崇熙太

皇太后母家親屬著穿縗素百日○又諭現

遣

大行慈禧端佑康頤昭豫莊誠壽恭欽獻崇熙太

皇太后大事各直省將軍督撫都統副都統

提鎮等均有職守不必奏請來京叩謁

梓宮惟當實心辦事勉盡厥職不在禮節虛文也

○又諭禁門重地理宜嚴肅堂經諭令該管大臣中嚴門禁稽察出入不啻三令五申乃近來門禁仍屬懈弛亟宜再申誥誡著前鋒統領護軍統領總管內務府大臣嚴飭直班官兵務須認真稽察不准冒充當差人等乘間出入經此次申警後倘再仍前疏忽定將該管大臣嚴懲不貸懍之勅命恭親王溥偉農工商部尚書溥頤會同原派王大臣恭辦

大行太皇太后喪禮勅命恭親王溥偉貝勒載洵載濤載瀾在

大行太皇太后梓宮前恭代奠酒勅命貝子溥倫輔國公溥儀鎮國將軍溥儀貝子銜鎮國將軍載振在

大行皇帝梓宮前恭代奠酒勅丙子諭內閣伊古神聖之君功德丕著必有隆稱懿號昭示來茲典至鉅也欽惟我

皇考大行皇帝濬哲宣聰研精敏學德綏中外道妙化裁

御宇三十有四年無日不以敬

天法

祖勤政愛民為念每遇

郊壇大祀精誠昭格崇奉我

皇祖母大行太皇太后尊養優隆溯當登極之初

上東

垂簾之訓求諫言而崇節儉察羣吏而戒因循洎

乎親裁大政整飭紀綱咨詢賜雨偏災偶告

蠲貸兼施召對臣工披覽章奏寒暑無間宵

旰食宵衣書唐大寶歲於殿壁如未從繩刊承

革事略之新圖以古為鑑至於軫時局之艱

難采列邦之政治舉一切興學練兵理財造

幣綏藩壁荒保商勤工度量權衡郵船路礦

諸要政靡不仰冀

慈謨俯度時勢準今酌古執兩用中而且尊
素王而崇祀典御經筵以益新知訂商約以重邦
交本禮教以修刑律滿漢化除其畛域同
懽載之無私勳臣追錄其子孫勵封疆之忠蓋尊
備立憲期於九載告成通變宜氏實繫環瀛
觀聽宏功威德海宇同欽予以沖人纂統永
懷濡慕益切顯揚允宜詳考彝章恭上
尊諭

廟號著大學士各部院衙門敬指典禮具奏以開
勲又諭

大行皇帝尚未擇有

陵寢著派溥倫陳璧帶領堪輿人員馳往

東

西陵敬謹查勘地勢繪圖貼說奏明請旨辦理

又諭豫親王桂林奏歲滿當差一摺定例王

公年滿十八歲由宗人府奏明上朝當差茲

該親王尚未歲滿徑行遞摺請安並請出學
當差與定例不合殊屬冒昧豫親王桂林著
交宗人府議處仍俟年滿十八歲循例由宗
人府奏明辦理又諭太醫院院使張仲元
御醫全順醫士忠勳恩種戴家瑜均著革職
帶罪效力又諭前刑部主事陳東鈞分部
郎中曹元恆江西玉山縣知縣呂用賓江蘇
阜甯縣知縣周景濤浙江候補知縣杜鍾駿
江蘇候補知府施煥候選道張鵬年均著降
二級留任又諭軍機大臣等電寄出使大臣
唐紹儀據電奏使美國書應否改發並擬改
名紹怡各節該部知道該部知道以恭親王溥偉添
派恭辦

大行太皇太后喪禮改派貝勒毓朗在

大行太皇太后梓宮前恭代奠酒

奉 太宗文皇帝誕辰 官祭

攝政王面奉

皇太后懿旨祺貴太妃瑜皇貴妃珣皇貴妃璿

貴妃瑾貴妃均著加恩每月賞給公費銀五百

皇太后懿旨攝政王載灃等奉旨○又奉諭內閣

祺貴妃

瑜貴妃

珣貴妃

璿妃

瑾妃侍奉

大行太皇太后歷有年所淑順克昭均宜加崇位

號以表尊崇

祺貴妃謹尊封為

祺皇貴太妃

瑜貴妃尊封為

瑜皇貴妃

珣貴妃尊封為

珣皇貴妃

璿妃晉封為

璿貴妃

瑾妃晉封為

瑾貴妃所有應行事宜著該衙門察例具奏

晚又諭恭辦喪禮王大臣照例穿孝百日外

和碩慶親王奕劻和碩莊親王載功科爾沁

親王阿穆爾靈圭多羅克勤郡王崧杰秦曼

郡王蘇珠克圖巴圖爾多羅貝勒載瀾載洵

載濤額駙喀拉沁貝勒熙凌阿科爾沁貝勒

阿拉坦鄂齊爾貝勒銜固山貝子溥倫固山

貝子毓嶺土默特貝子棍布扎布奉恩鎮國

公溥倌科爾沁輔國公達春貝子銜鎮國將

軍載振鎮國將軍溥儀御前侍衛都統芬車

色楞額副都統善豫良秦乾清門行走固倫

額駙品級麟光不入八分輔國公憲章德

郭

副都統溥倬都統固倫額駙公存珍乾清門侍衛委散秩大臣郡君額駙公松椿郡君額駙侯琦瑤軍機大臣大學士張之洞大學士孫家鼐陸軍部尚書鐵良郵傳部尚書陳璧理藩部尚書壽耆南書房行走朱益藩吳士鑑鄭沅袁勵舉亦著穿孝百日其餘王大臣官員均著穿孝二十七日釋服焚燬醢又諭據王大臣等奏三年之喪難以舉行請仍依

舊制一摺覽奏愈增哀痛朕承

大行皇帝付託之重雖終身哀慕尚難仰報高厚之恩宣持服三年遠謂盡哀盡禮且三年之喪達乎天子禮經所載敢不恪遵若喪服二十七日而除於心實有不忍除臣民服制仍各欽遵舊例朕敬循古制持服三年以冀稍申哀悃至

社

宗廟祀典朝禮仍可於持服中舉行不致偏廢其如何舉行三年之喪仍著各該衙門詳稽典禮妥議具奏

欽定

乾清宮

大行皇帝八筵前恭代行服奠禮○以霜降安瀾

頒發大藏香十五枝交江北提督王士珍祇領虔詣

大王將軍各廟祀謝祝諭內閣

皇祖母大行慈禧端佑康頤昭豫莊誠壽恭欽獻崇熙太皇太后徽音懋著道協坤元昔奉我

皇祖考文宗顯皇帝淑慎恪恭誕育我

皇考穆宗毅皇帝當

文宗顯皇帝升遐時正值大亂方殷海宇鼎沸